

有部毗奈耶雜事

第十四

三百四  
賤四

49929



元祿九年丙子二月日重脩

皇圖瓊閣 帝潛銀呂

佛日增輝 懋輪常轉

山城州天安寺法金剛院置





根本說一切有部毗奈耶雜事卷第十四

唐三藏法師

義淨奉

制譯

第三門第四子攝頌之餘

緣處同前時給孤獨長者每於晨朝往逝多  
林禮世尊足禮已掃寺內地後於一時長者  
他緣不違入寺世尊經行見地不淨起世俗

心作如是念如何令彼帝釋天主從香醉山  
持筆來至諸佛常法起世俗心乃至蟻子咸  
知佛意若起出世心聲聞獨覺尚不了知况  
餘能測時天帝釋既觀知已便作是念大師  
何故起世俗心乃見世尊躬欲掃除逝多林  
地既知佛念便詣香醉山中取五百上妙掃





篲輕奩如綿至佛前任尔時世尊意欲令彼  
樂福衆生於勝田中植淨業故即自執篲欲  
掃林中時舍利子大目軋連大迦葉波阿難  
隨等諸大聲聞見是事已悉皆執篲共掃園  
林時佛世尊及聖弟子遍掃除已入食堂中  
就座而坐佛告諸苾芻凡掃地者有五勝利  
云何爲五一者自心清淨二者令他心淨三  
者諸天歡喜四者植端正業五者命終之後  
當生天上後時給孤長者來入林中聞佛世  
尊及大弟子躬自執篲遍掃林中便作是念  
如來大師及諸聖衆躬自執篲掃逝多林我  
等云何敢以足蹈時彼長者情懷愧悚立不



敢前佛知故問諸苾芻曰立者是誰苾芻白  
言大德彼是給孤長者聞佛出世尊及大弟子  
各親執篲掃逝多林情懷愧悚當處而立不  
敢前行

佛告長者口誦經法當可前行由佛出世尊敬  
重法故諸阿羅漢皆尊敬法長者即誦伽他  
行詣佛所禮雙足已退坐一面尔時世尊為  
說妙法開示勸導讚勵慶喜是時長者聞法  
踊躍奉辭而去時諸苾芻咸皆有疑請世尊  
曰希有大德自於正法生尊重心讚歎恭敬  
佛三今者如來離染瞋癡遠生老死無憂悲  
苦具一切智於一切境皆得自在於法尊重

讚歎正法未為希有汝等當知我於往昔具  
染瞋癡未離生老病死現有憂悲苦惱為法  
因緣捨自身命汝今善聽我當為說乃往古  
昔婆羅痲斯城中王名梵授以法化世人民  
熾盛安隱豐樂應說如餘

時梵授王深信正法稟性賢善自利利他憐  
愍一切常行惠施有大慈悲離染著心曾無  
怯惜後於異時王大夫夫人忽然有娠便生異  
念求聞妙法夫人白王王命相師問其所以  
彼白王言由大夫人所孕聖胎遂生是念尔  
時大王即為求法便勅大臣盛金滿箱周遍  
國界奉金求法竟未遂心月滿生子顏容超



絕衆相具足廣說如餘王作是念此兒端正  
人所樂觀未生之時已希妙法宗親共集與  
作何名大臣白言王子未生已希妙法應與  
立字名求妙法王令八母乳養供承廣如餘  
說乃至如蓮出水年漸長大常求妙法竟未  
遂心王崩之後自紹王位告諸群臣卿當爲  
我求於妙法群臣受勅即持金箱遍瞻部內  
處處求訪無法可得臣白王言在處遍求無  
法可得時求法王不滿所願常懷憂惱時天  
帝釋觀知王心爲求法故而懷憂惱即作是  
念王雖如此真僞未知我應往試遂即變身  
爲大藥叉舉手張目形容可畏至王前立便

說頌曰

常修於善法

不作諸惡行

此世及後生

寤寐常安樂

王聞此頌心大歡喜告藥叉曰仁者當重爲  
我說此伽他時彼藥叉即報王曰王用我語  
我當爲說王曰唯然願爲宣說隨意無違時  
藥叉曰大王若實樂法者可作火坑七日七  
夜燒炭猛燄投身入中我爲重說王聞斯語  
倍增欣躍報藥叉曰此不敢違王即宣令遍  
告國中我爲樂聞妙法七日之後當入火坑  
一切有緣樂希有者可來觀我旣宣勅已舉  
國皆知無量衆生至期咸赴由王重法至誠



所感於虛空中復有無量百千諸天鼓樂弦  
歌香花供養慶希有事重王至誠悉皆來集  
時彼藥叉七日既滿便昇虛空告菩薩曰所  
期已至可入火坑今時大王遂立太子紹繼  
王位普召群臣咸乞歡喜共為辭別漸近火  
坑臨岸而立即說伽他曰

如是炎熾大火坑

紅燄如日令人怖

我今歡喜投身入

為法曾無悔懼心

今我雖處火坑中

決定當求希有事

願此福利資含識

猛火變作妙蓮池

今時大王說伽他已便自投身入火坑內放  
身纔下時大火坑變作蓮池清涼可愛是時

菩薩身無虧損時天帝釋見其希有人天歸  
敬復帝釋身即為彼王重說前頌

常修於善法 不作諸惡行 此世及後生

寤寐常安樂

今時菩薩受斯頌已即出池中書之金葉遍

瞻部洲城邑聚落咸悉告知普令修學汝等

茲芻勿生異念往時求法王者即我身是為

求法故委弃身命何況今時於勝妙法不生

尊重是故汝等應當修學我於妙法恭敬供

養尊重讚歎如是誠心依法而任自利利人

法皆具足茲芻聞已歡喜奉行

如世尊說若掃地時有五勝利時有老宿茲



芻弃禪誦業入逝多林皆親掃地佛言我於  
知事人作如是說非諸耆宿苾芻修行業者  
然於我所依善法律而出家者有二種業一  
者習定二者讀誦苾芻聞佛爲知事人密作  
是說其知事人不能遍掃逝多林地佛言隨  
要當掃若月八日或十五日應鳴捷推搥集  
衆僧共爲灑掃時諸苾芻旣奉佛教於掃地  
時談話俗事遂使護寺天神及非人類并餘  
衆聞說戲論生嫌賤心佛言不應尔應說法  
語或聖默然時諸苾芻旣掃地已塵土全身  
不信敬人見生嫌賤佛言旣掃地了除去糞  
穢應可洗身若不洗者以水濕手拭去塵土

洗手濯足如常所爲佛言每至八日十五日  
觀察牀敷苾芻搥作佛言不應尔可令弟子  
詳審觀察恐有蚤虱及以汗穢如佛所言見  
淨掃地誦經而蹈者苾芻灑地然後淨掃作  
曼荼羅餘人見時不敢足蹈佛言應誦伽他  
踏過無犯勿生疑惑如是應知諸香臺殿幡  
竿制底如來形影皆誦伽他然後足踏若不  
尔者得越法罪

尔時北方有一國王送二童子與勝光王以  
爲國信一名馳索迦一名波洛迦其馱索迦  
能作飲食波洛迦解敷牀座凡邊國人性多  
饕餮每因遊行便入市中取他魚飯隨意而



食介時食主即便苦打時二童子還至王所  
白言大王我向塵中少取魚飯時彼家人苦  
打於我極困幾死王聞語已勅告市人汝等  
當知所有飲食自須掌護我此二童不應輒  
打後於異時王罷朝已暫爲偃息時二童子  
各在一邊爲王按摩搖動王足見王不語一  
云王睡二云如是王聞起念豈非此二有私  
語耶遂便佯睡伺其所說時馱索迦告波洛  
迦有後世耶荅言何有後世時波洛迦告馱  
索迦曰世間頗有阿羅漢不馱索迦曰世間  
無有阿羅漢果時王聞彼二童語已便作是  
念此二童子俱起惡見一是斷見一是邪見

王告大臣大臣轉語遂令國內遠近咸知王  
二童子是邪惡見人時給孤長者於大眾中  
分明告示震師子吼作如是言若於我舍而  
命終者必得生天王聞語已作如是念長者  
若來此二童子我當付囑後於異時給孤長  
者來至王所自將小童持其坐物既置座已  
尔時童子即便出外與餘童子共爲戲樂小  
童去後王作是念今正是時以二童子用相  
分付即便竊告守門人曰長者童子勿使入  
來門人奉教不令其入長者坐久心念還家  
從座而起顧眄使童王言長者何所顧耶白  
言大王我覓使童王言長者我有二童今付



長者可領將去彼觀王意俛仰而取復作是念何因大王付我二童後思此二先是惡見王今試我令遣將去是時長者即共還家既至家已命掌庫人曰此二童子所須之物悉皆給與又復告彼市肆諸人若二童子有所須者君可與之明書價直我倍酬還時二童子至掌庫所求索所須皆隨意得告掌庫者曰我所求覓君皆與耶荅言盡與童子復問誰遣如是荅是長者二童相謂長者於我父母無異我所求者皆悉無違復於異時相隨及市諸人遙見皆喚二童汝來我處隨意所食二童報曰昔時遙見各掩食盤今日遠觀

悉皆喚我非無所以幸爲說之諸人荅曰汝  
昔強食一無酬直今時長者倍還其價我等  
緣斯故相命食二童聞已復相謂曰長者慈  
悲深見憐愛還白長者若有作業幸當見付  
報言且任後當令作後時長者將彼二童入  
逝多林俱持篲帚令掃僧地長者有緣須還  
本宅告二童曰我緣須出汝等且留淨掃寺  
中屏除糞穢作是事已方可還家地旣淨已  
欲除糞掃佛神力故令糞無盡時此二童孝  
敬於主竭誠用力除糞不停介時佛告阿難  
隨曰爲此二童應留殘食時阿難隨留殘命  
食二童作念要除糞了我當還家而不食此



聖者殘食佛以神力除東畔時西畔還在除  
西畔時東畔還在如是艱辛至日將暮

佛告阿難陀今此二童當近汝宿汝復遍告  
諸苾芻等我先所說善事當隱惡事顯露欲  
令二童捨惡見故宜現其善汝等苾芻有得  
定者如定而住至於初夜時阿難陀宜佛教  
已時諸苾芻即於初夜或放光明或現奇相  
二童見已告阿難陀曰此是何物阿難陀曰  
彼是阿羅漢現諸神變時二童子白言聖者  
於世界中有阿羅漢耶阿難陀曰豈汝二人  
不自親見何所致疑然此二人先起邪見謂  
無應供今見神通邪見便息心生正見佛於

中夜起世俗心如何今彼釋梵諸天咸來至此廣說如上時諸天衆觀知佛心咸來佛所由彼威力有大光明二童見已問阿難隨此是何光荅曰此是梵釋及餘天衆來詣佛所現此光明問言聖者有他世耶荅曰汝旣親見何所致疑彼二童子先時邪見謂無後世今見天衆即於此時生正見心深自慶幸俱詣佛所頂禮雙足退坐一面今時世尊稱其根性說四諦法示教利喜今得開悟以金剛智杵斷二十種有身邪見山證預流果旣得果已重禮佛足白言世尊我今願於如來善說法律出家近圓成苾芻性勤修梵行世尊



即便命言善來馱索迦波洛迦汝修梵行時  
彼二人於佛言下鬚髮自落瓶鉢在手如初  
剃髮經七日來進止威儀同百歲者頌曰

世尊命善來

髮除衣著體

威儀如百歲

隨佛意皆成

余時世尊親教授彼二苾芻精勤無倦未久  
時聞得羅漢果廣說如餘乃至梵釋諸天所  
共敬重

余時世尊度馱索迦及彼洛迦令出家已勝  
光大王既聞是事情生嫌耻如何世尊度此  
邪見令其出家斯非善事由彼邪見人所共  
知世尊聞已作如是念於我衆中聲聞弟子

諸惑斷盡功德尊重同妙高山如何國王生  
輕慢想斯成大失我今宜可彰彼二人有殊  
勝德時給孤獨長者來禮佛足在一面坐聽  
佛說法示教利喜于時世尊默然而住長者  
即便從座而起合掌恭敬白言世尊唯願大  
師及諸聖眾明就我家爲受微供佛默然受  
長者知己禮佛而去

尔時佛告阿難陀曰汝今宜去告馱索迦波  
洛迦白汝等二人明日宜應至長者家爲眾  
行水于時尊者奉佛教已至二人所具陳佛  
教時彼二人奉佛勅已報言尊者如世尊教  
我當奉行便作是念何故世尊捨諸耆宿及



以中年於我二人曲爲願命令我行水豈非  
出尊欲於我所彰其勝德我等宜應滿世尊  
願尔時長者即於其夜具辦種種淨妙飲食  
所謂五噉食五嚼食即於晨朝敷設牀座及  
盛水器莊嚴已訖遣使白佛飲食已辦唯願  
知時

尔時世尊著衣持鉢與苾芻衆詣長者家至  
其食處就所設座及諸大衆悉皆坐已是時  
長者復遣使人白勝光王曰我於今日在自  
家中請佛及僧微設供養唯願大王暫來隨  
喜時王聞已便與太子及內宮人扈從相隨  
至長者宅共申隨喜旣至佛所禮足而坐

尔時具壽馱索迦於上座前立手執瓶水神力加持令所注水從上至下次第洗手尔時具壽波洛迦於下座前立執淨瓶水神力加持亦令其水從下至上次第漱口時勝光王見是事已便作是念斯何耆宿大德苾芻親於佛前敢現神力即起尋水至下座邊見波洛迦手持瓶水後更尋水至上座邊見馱索迦持瓶而立極生希有長舒右手出讚歎言希有佛陀希有達摩善哉正法能於現世令馱索迦波洛迦等捨罪惡見證獲如是殊勝之德時彼長者既見大眾悉坐定已便以自手行諸飲食大眾飽已洗手漱口嚼齒木已



屏除鉢器即取小席親於佛前長跪聽法。尔時世尊為勝光王及大長者隨機說法示教利喜從座而去。

時諸苾芻至任處已咸皆有疑請世尊曰大德此馱索迦波洛迦曾作何業生在邊地一是斷見一是邪見又作何業於佛法中而為出家斷盡諸惑得阿羅漢佛告諸苾芻此之二人自所作業果報成熟廣說如前乃至果報還自受之汝等諦聽乃往古昔此賢劫中。人壽二万歲時有迦葉波佛出現於世時此二人投彼佛法而為出家二人為伴往詣邊國無教授師自修禪定實無所證作證解心。

臨命歿時誹謗聖法生邪見心作如是語迦  
葉波佛誑惑世間斷盡煩惱得阿羅漢我於  
諸惑不能斷盡何有餘人得阿羅漢汝等苾  
芻勿生異念往時二人無師習定者即馱索  
迦波洛迦是由謗聖法生邪見故經歷多時  
墮於惡趣復於多生常處邊地起邪見心乃  
至今身還生邊地起邪見心由彼二人讀誦  
受持蘊界處緣生道理及處非處悉皆善巧  
由斯業力於我法中出家修行斷盡諸惑得  
阿羅漢無師習定有如是過是故汝等不應  
無師輒自習定若輒學者得越法罪  
緣在室羅伐城有一長者於蘭若處造一小



室時有苾芻於此而住時屬春陽為熱所逼  
形色萎黃瘦損無力欲移住處往白長者仁  
當守護我欲他行長者問曰有何闕少而欲  
他行苾芻荅曰我無闕乏然為時熱室小難  
居長者荅曰若畏熱者為造地窟荅言長者  
佛未見聽苾芻以緣白佛佛言須也窟者隨  
意應作長者為作至夏月時復多濕氣便不  
堪住後白長者我欲他行同前問荅然為地  
濕痰癰病增不堪居住長者荅曰若如是者  
為造大舍苾芻告曰世尊未許苾芻以緣白  
佛佛言任為大舍長者便造以無簷故柱危  
欲破以緣白佛佛言安簷若恐摧者應安邪

柱以丁釘之

第三門第五子攝頌曰

石鹽安角內 藥器用氈毼 安替誦經時

以物承其足

緣在王舍城竹林園中時具壽畢隣陀跋蹉  
從出家後身常抱疾有同梵行者來相問訊

言上座四大安隱不荅言我患寧有安隱復  
問上座比來曾服何藥荅曰曾服石鹽若尔  
今何不服荅言賢首佛未聽許苾芻以緣白  
佛佛言我今聽諸苾芻應畜先陀婆鹽苾芻  
隨處安置遂令銷滅佛言不應如是隨宜安  
置應可畜筍便安竹筍亦還銷失佛言應用



角甯安鹽於內遂用新角更令臭穢佛言應用牛糞水煮洗乾無損佛言石鹽應安角中者不解安蓋塵土便入佛言著蓋苾芻不解佛言還應用角時畢隣陀跋蹉因患問蒼同前須畜藥椀佛言應畜

緣在室羅伐城時有長者娶妻未久便生一息年漸長大遂於善說法律而為出家但卧空牀未有氈席長者後時入寺遊觀便見其子但卧單牀更無氈席告言聖子自餘苾芻皆有氈席汝何故無荅曰諸人多是宿舊出家先來貯畜我新捨俗由斯未有荅言若尔我舍有好氈能可用敷卧荅言佛未聽許

緣白佛佛言聽用毳氈苾芻即便不以物觀  
赤體而卧遂多垢膩長者入寺見其垢惡便  
不識認問其子曰更得禪耶荅言舊物又言  
因何垢汙以至於此荅曰爲無觀替致令汗  
染父曰此貴價物令其損壞汝今宜可安替  
而用苾芻以緣白佛佛言雖是私物亦應安  
觀若不著者得越法罪

緣處同前佛言應誦經者可昇高座其人坐  
師子座下垂雙足致有勞倦佛言應作承足  
牀苾芻不解佛言若座不移動應以氈作若  
移轉者可用版爲雖以版作移舉時難可於  
四角各安鐵鐶隨意擎去時有求福苾芻及



信心俗族於足趺上塗以香泥時誦經師不敢足蹋佛言以草及葉替而方蹋勿致疑心緣處同前佛言作承足牀林中苾芻此物難得垂足勞倦以緣白佛佛言以石支足

第三門第六子攝頌曰

拭面巾踈薄

唾盆并襯體

鐵槽砌基地

日光珠浣衣

緣在王舍城畢隣陀跋蹉身常抱疾頭面垢膩問荅同前乃至上座先持何物荅曰持拭面巾今何不持荅言佛未聽許以緣白佛佛言有病無病應持面巾

緣處同前畢隣陀跋蹉苦熱身黃問荅同前

乃至上座先持何物荅曰持踈薄衣今何不持荅言佛未聽許以緣白佛佛言熱時應著踈薄之衣

緣在室羅伐城時有苾芻苦患瘰癧於牀兩邊弃其涎洩令不淨潔天將欲曉門人入房禮問安否洩唾汗額苾芻見問即以事荅苾芻曰我試觀之便入房中見其洩唾牀邊狼藉告諸苾芻共生嫌耻云何苾芻於僧房中洩唾不淨以緣白佛佛言非是合棄洩唾之處不應輒弃若在闇中不頭扣地而為禮拜須致敬者口云畔睇但有請白咸應如是若患傷寒涎洩流出應以器承著器物時致有



傾側更多穢汗佛言可安支物彼置圓繩然  
猶傾側佛言其承唾盆及洗口器形如象跡  
底凸向內置地安隱棄唾水時即便却出佛  
言盆內安物苾芻不解佛言應截草置中或  
安沙土等有多蠅附佛言應扇去之盆有臭  
氣佛言時時應洗洗已不曬致有虫生佛言  
曬乾復有苾芻涎唾不止待器乾時事便廢  
闍佛言應畜二盆更手而用苾芻簷下讀誦  
經行若漢唾時隨處棄擲佛言不應尔棄者  
得越法罪然於寺中四角柱下各安唾盆若  
有唾者可棄於此

緣在室羅伐城時有苾芻名曰毛血昔於五

百世若生若死常處地獄後生人趣處在居家常好嚴身戲樂無厭不思地獄後於異時在佛法中出家修行見佛說法於三藏教說地獄苦傍生餓鬼人天等別聞地獄時極苦現前身諸毛孔並血流出衣裳點汗常有臭氣苾芻以緣白佛佛言如此苾芻應畜襯身衣苾芻即便披在衣外遂生譏醜佛言應在內披其身瘙癢將此衣揩佛言不應如是若有濃血當以樹葉作湯徐徐洗除其襯身衣時時浣染曬曝令乾

緣在王舍城具壽畢隣陀跋蹉身常抱疾同梵行者問答同前乃至上座先持何物答曰



曾持鐵槽安藥湯浸若尔何不持用荅言佛未聽許以緣白佛佛言病者當畜鐵槽

緣在室羅伐城時諸苾芻於夏雨時旋遶制底有泥汙足佛言應可布鞞上以碎鞞和泥打之復安礧石灰泥塔大難遍佛言應齊一尋此亦難辦佛言安版復更難求佛言步步安鞞苾芻寺門及寺內地多有泥陷佛言如上所作准事應為

緣處同前有一長者於靜林中造一小舍苾芻寄住時當寒節苾芻觸冷身形羸瘦來告長者曰我欲他行荅言聖者有所闕耶荅言無乏但為苦寒長者曰仁住於此我與日光

珠令常得火荅言長者佛未聽許荅曰佛大  
慈悲必聽受用苾芻以緣白佛佛言若須日  
光珠者聽畜隨時出火長者便與苾芻受用  
時有五百群賊欲打小城過苾芻處告言須  
火報曰現無賊曰何方得火荅曰賢首有日  
光珠能出於火便示其處賊去破城迴至於  
此欲奪其珠問珠何處苾芻示珠賊取而去  
苾芻患寒至長者所報言我寒具如上說長  
者曰珠在何處荅曰有賊將去長者曰此貴  
價物不密舉掌令賊將去深成可惜苾芻以  
緣白佛佛言此之貴珠不應示賊應與其火  
如火光珠月光亦尔



緣處同前六衆苾芻令浣衣人洗濯衣服時  
浣衣者多得他衣洗浣未了時鄔波難陀至  
日晡後便持故衣詣洗衣處報言爲洗荅曰  
現有多衣明當爲洗便生忿怒彼言勿瞋可  
留而去我今爲洗即便留衣與衆多衣一處  
同浸遂令赤色染壞他衣彼見愁惱掌頰而  
注多人來見皆共譏嫌苾芻以緣白佛佛作  
是念由浣衣故生衆譏嫌告諸苾芻曰鄔波  
難陀以赤色衣汗他衣物是故苾芻不應以  
赤色衣令他洗浣作者得越法罪六衆聞已  
便將白衣令彼洗浣彼便搯打令衣損破佛  
言苾芻衣皆不應令浣衣人洗

緣處同前六衆聞佛不許令他洗浣衣物即  
便持衣至浣衣處以物纏頭於池水邊自洗  
衣服衆人見譏苾芻以緣白佛佛言苾芻不  
應至浣衣處自洗衣服作者得越法罪

緣處同前苾芻便於大版木上搬打浣衣令  
衣破壞佛言不應令應在盆中以煖水浸徐  
徐自手洗濯令淨佛令手洗苾芻不能佛言  
用脚時有手足皆悉不能佛言令他爲洗應  
可自看

根本說一切有部毗奈耶雜事卷第十四 賤

遑音篲

旬歲反

愧悚

下息

疵

尼八

稟

悲品



娠音身孕音反余證捷稚上音直利反軋下全蒲悶濯音濁饗

饗上音鐵下音塵中連上直反幾死上渠反伺相寺篲帚

之上同屏除餅上音扈從上音去聲跋蹉上蒲反

下七反筍音同氈之然覲初近反砥七反細涎洩

上似連反扣地一音叩又音苦候反畔睇下音凸徒結

反音替瘙癢上音蘇到反礪石上音應薺下禮反掌頰

帖下反古音搬打上音薩音

